

IKM
INSTITUTI I KONTABILISTEVE TE MIRATUAR

RREGULLORE

PER

FUNKSIONIMIN E DEGËS DHE TË SEKSIONIT TË IKM-së

Bazuar ne nenet 16 dhe 27 të Statutit te IKM, me qëllim që të rregullojë funksionimin e organeve drejtuese të degeve e seksioneve të tij në rrethe, Këshilli i Drejtimit i Institutit të kontabilistëve të Miratuar harton këtë Rregullore

1. Krijimi i Seksioneve dhe Degëve

Ne varësi te numrit dhe prirjes drejt rritjes, në të dy kategoritë e anëtarësisë në IKM, (a) anëtarë me të drejta të plota dhe (b) kandidatë aspirantë (aplikantë) për të fituar titullin “Kontabël i Miratuar”, në rrethe mund të ngrihen e të funksionojnë seksione ose degë.

Degët dhe/ose Seksionet krijohen në cdo rreth apo grup rrethesh, me miratimin e Këshillit të Drejtimit.

Në ato rrethe ku ka mbi 20 anëtarë dhe ky numër ka tendencë të rritet mund të krijohen degë të IKM-së, ndërsa në ato rrethe ku numri i anëtarëve nuk i kalon 20 vetë mund të krijohen seksione të IKM-së. Vec kësaj, disa seksione që kanë afersi gjeografike, duke u bashkuar me njëri tjetrin, mund t'i kerkojne Këshillit të Drejtimit të IKM-së miratimin e krijimit të deges ose seksionit për rajonin gjeografik.

2. Organet drejtuese të Degës e Seksionit

Organi drejtues më i lartë i Degës është Mbledhja e përgjithëshme e anëtarëve të degës. Kryesia e Degës drejton Degën në periudhën midis dy mbledhjeve të përgjithëshme të zakonshme të anëtarëve. Ai përbëhet nga 5 anëtarë të zgjedhur nga mbledhja e përgjithëshme e anëtarëve të degës, me nje mandat 4 vjecar me te drejte rizgjedhje vetem nje here, sipas të njëjtave modalitete që përdoren edhe për zgjedhjen e anëtarëve të KD të IKM

Organi Drejtues më i lartë i seksionit është mbledhja e përgjithëshme e anëtarëve të seksionit. Kryesia e Seksionit drejton seksionin në periudhën midis dy mbledhjeve të përgjithëshme të zakonshme të anëtarëve të seksionit. Ai përbëhet nga 3 anëtarë të zgjedhur nga mbledhja e përgjithëshme e anëtarëve të seksionit, me nje mandat 4 vjecar me te drejte rizgjedhje vetem nje here, sipas të njëjtave modalitete që përdoren edhe për zgjedhjen e anëtarëve të KD të IKM-së.

2/1. Dorheqja, Revokimi, Largimi i nje antari te kryesise se Deges ose Seksionit dhe procedurat e zevendesimit te tij.

Ne raste doreheqje, vdekje ose çdo raste tjeter te pengimit te kryerjes se funksionit te anetareve te kryesise se Deges ose Seksionit, me propozim te kesaj te fundit dhe me miratim te KD te IKM –se,ne funksionin e lire caktohet deri ne zgjedhjet e ardheshme nje antar i Deges ose Seksionit i cili ne zgjedhjet e fundit pararendese ka fituar numrin me te madh te votave si kandidate, por qe nuk eshte zgjedhur ne kryesine e Deges ose Seksionit. Ne mbledhjen me te afert te anetaresise te Deges ose Seksionit vendoset te aprovohet ky caktim ose qe zevendesimi te behet me zgjedhje. Ne rastet kur numri i vendeve te anetareve te kryesise se Deges/Seksionit qe mbeten te lira per shkaqet e siperpermendura eshte me i madh se 3/5 per deget dhe 2/3 per Seksionet atehere behen zgjedhje e reja per kryesine e Deges ose Seksionit.

Per rastet e revokomit ose te largimit te nje antari te kryesise se Deges ose Seksionit per mos realizim te detyrave ne funksionin qe mbane, propozimi per largimin e tij behet nga:

- Kryetari i Deges ose Seksionit
- Nga 1/10 e anetaresise me te drejte vote ne momentin e propozimit
- Nga 2/3 e kryesise se Deges ose Seksionit
- Keshilli i Drejtimit te IKM

Ne propozim te jepen qarte dhe me argumente arsyet e kerkeses per largimin e antarit nga kryesia e Deges/Seksionit. Miratimi i propozimit te largimit, revokimit te nje anetari te kryesise behet nga KD i IKM–se. Procedurat per miratimin e ketij vendimi dhe zevendesimit te antarit te kryesise se Deges/Seksionit te larguar, revokuar jane te njejta me ato te rasteve te mesiperme të largimit të një antari të kryesisë.

3. Mbledhja e përgjithëshme e anëtarëve të deges e seksionit

Mbledhja e e përgjithëshme e anëtarëve (asamblesë) së degës ose seksionit bëhet pakten nje here ne vit, brenda gjashte mujorit te pare te vitit pasardhes, per te shqyrtuar e vendosur mbi veprimtarine vjetore te Keshillit te Drejtimit të degës e seksionit.

Ajo mblidhet gjithashtu sa here qe gjykohet e nevojshme, kur nje gje e tille kerkohet nga te pakten 1/10 e anetareve të degës e seksionit, nga jo me pak se 2/3 e anëtarëve të kryesise së degës e seksionit, ose me vendim të këshillit të drejtimit të IKM

Në mbledhjen e përgjithëshme të anëtarëve të degës mund të marrin pjesë deri në dy anëtarë të Këshillit të Drejtimit të IKM, të caktuar nga Këshilli i Drejtimit i IKM-së

4. Rendi i ditës i Mbledhjes së përgjithshme të anëtarëve të degës e seksionit

Rendi i dites i mbledhjeve përgjithëshme të anëtarëve të degës e seksionit, caktohet nga autori/(ët) e thirrjes, i cili (te cilët), njoftojnë kryetarin e kryesise të degës e seksionit per

të organizuar komunikimin për anëtarët, te pakten 10 dite para dates së mbledhjes. Autori (ët) e thirrjes së mbledhjes së përgjithshme të degës / seksionit, në të njëjtën kohë njoftojnë edhe Sekretarinë e I K M –se, ku dërgohet edhe kopja e rendit të ditës së mbledhjes,

Ne komunikimin e rendit të ditës duhet të përcaktohet vendi, data e ora e mbledhjes. Në raste urgjente afati i komunikimit mund të jete deri në jo më pak se 4 dite para mbledhjes. Këshilli i Drejtimit i IKM-se mund të kërkojë që asambleja e degës dhe seksionit të trajtojë edhe çështje të tjera me interes për profesionin dhe organizimin e institutit

5. Ndarja e funksioneve të organeve Drejtuese të Degëve e Seksioneve

Funksionet e organit drejtues të degës përbëhen nga Kryetari, zv/kryetari dhe tre anëtarë. Zgjedhja e kryetarit dhe zv/kryetarit bëhet nga mbledhja e Kryesise së degës

Funksionet e organit drejtues të seksionit përbëhen nga Përgjegjësi i Seksionit dhe dy anëtarë. Zgjedhja e kryetarit bëhet nga mbledhja e Kryesise së seksionit

Këshillat drejtuese të degëve e seksioneve bëjnë ndarjen e detyrave sipas funksioneve jo me vonë se 1 javë pas zgjedhjes së tyre dhe njoftojnë me shkrim Këshillin e Drejtimit të IKM-së

Ne funksionet që do të mbulohen nga anëtarët e këshillave drejtuese përfshihen (a) anëtarësimet e reja (b) mbajtja e regjistrit të anëtarëve e kandidatëve të aktualizuar (c) organizimi i punës për kualifikimin për hyrjen në profesion dhe kualifikimin e vijueshëm (d) praktikat profesionale dhe të etikës, disiplinës (e) administrimi financiar e buxhetit; si edhe çdo çështje tjetër që gjykohet e nevojshme për mirëfunksionimin e një dege apo seksion të caktuar, duke bërë kujdes që theksi të vendoset në ato aspekte që janë të rëndësishme

Kryetari i degës apo seksionit kryeson mbledhjen e degës dhe seksionit. Ai është anëtar i Këshillit të Kryetareve të degëve dhe të seksioneve që është edhe organ këshillues i Këshillit Drejtues të IKM-se për probleme që janë parashikuar Statutin e IKM-se

Kryesia e Degës /Seksionit harton rregullore të vecantë, ku përcaktohen kryerja e detyrave specifike nga çdo anëtar i kryesise, mënyrat e lajmërimit dhe njoftimit të antarësisë, mënyrat e raportimit të antarëve dhe të kryetarit, etj. rregullime të nevojshme për mirëfunksionimin e drejtimit të degës.

6. Veprimtaria e organeve drejtuese të degëve e seksioneve

Veprimtaria e organeve drejtuese të Degeve ose të Seksioneve bazohet në statutin e IKM-së, në Vendimet e mbledhjes së Asamblese së Përgjithshme, në vendimet e Këshillit të Drejtimit, dhe në udhëzimet specifike të nxjerra nga Këshilli i Drejtimit i IKM.

Kryesia e degës / seksionit mblidhet të paktën një herë në tre muaj, ku analizon çështje të ndryshme bazuar në programin e tij punës, udhëzimet e dhena nga keshilli i drejtimit i IKM-se, dhe të tjera që i interesojnë profesionit.

Për datën dhe rendin e dites të mbledhjes së kryesise të degës/seksionit njoftohet edhe Këshilli i Drejtimit i IKM-se, i cili mund të dërgojë për të qënë i pranishëm njërin nga anëtarët e tij. Rezutatet – vendimet dhe konkluzione të tjera të mbledhjes i dergohen me shkrim, me firmën e kryetarit të mbledhjes, brenda 10 diteve nga perfundimi i mbledhjes KD të IKM-se.

Kryesia e Degës / Seksionit bazuar ne në programin vjetor të punës të Këshillit të Drejtimit të IKM-së, si edhe në specifikat e degës apo seksionit (por pa u kufizuar vetëm në to) kryen këto detyra:

- harton programin vjetor të punës,
- bën propozime për çështje që ai mendon se duhet të përfshihen në
 - o programet e kualifikimit profesional të kandidatëve,
 - o kualifikimin e vijueshem te anetareve,
 - o procedurat që duhet të ndiqen për shtimin e numrit të anetareve te dhe kandidatëve.
- Organizon evidentimin dhe mbledhjen e kuotave te anetaresise brenda afateve te caktuara.
- Organizon Rregjistrin e anetareve, sipas udhëzimeve të dhëna nga seksretaria e IKM-së, ku pervec te dhenave personale, evindetohet Nr I Rregjistrit Themeltar te anetaresise IKM, qe jepet nga Sekretaria e IKM-së.
- Organizon mbledhjet e përgjithëshme te Deges ose Seksionit sa herë që ato thirren në pajtim me pikën 3 të kësaj rregullore
- Në bashkepunim me strukturen ekzekutive dhe KD e IKM-se organizon kualifikimin e vijueshëm të anëtarëve dhe kandidatëve
- Organizon punën per mbajtjen e regjistrave të veprimtarisë profesionale të anëtarëve të seksionit dhe koordinon punën me KD të IKM-se për kontrollin e mbajtjes së tyre dhe për kontrollin e cilësisë së punës të anëtarëve të IKM-se.
- Mban lidhje me organizmat private ose shteterore te zonave ku operon ne dhe per zbatim te marreveshjeve qe ka IKM.
- Kryen detyra të tjera, në pajtim me statutin e IKM-se dhe këtë rregullore

7. Raportimi e informimi i IKM-së

Kryesia e degës/seksionit i dërgon informacione periodike të paktën një herë në tre muaj Këshillit të drejtimit të IKM-se, si dhe për çështje specifike edhe me shpejt, në lidhje me veprimtarinë e kryesise. Në informacionin që dërgohet bëhet një përmbledhje e konkluzioneve të mbledhjes së organit drejtues dhe i masave që janë marrë për periudhën e ardhëshme tre ose 6 mujore.

Kryesia e degës / seksionit rakordon me Sekretarinë e IKM-së lidhur me shlyerjen e detyrimeve të anëtarësisë (kuotave) dhe brenda datës 10 të muajit pasardhës dërgon informacion mbi arkëtimet dhe anëtarësimet e reja.

Në IKM dërgohen dokumentat origjinale te anetareve te rinj, dhe lista e anetareve qe kane shlyer pagesën e kuotave

Kryesia e degës / seksionit grumbullon evidencat e raportimit të misionëve të kryera nga anëtarët, sipas formatit dhe afateve të përcaktuar nga KD i IKM-se dhe i dërgon ato në IKM jo më vonë se data 15 Maj e vitit pasardhës. Mbi kete baze percaktohen kuoten variable qe duhet te paguajne anetaret, jo me vone se data 31 Maj.

8. Hyrja në fuqi

Kjo rregullore hyn në fuqi duke filluar nga data 01 Shkurt 2007